

93

Nil nimium studeo, Caesar, tibi velle placere
nec scire, utrum sis albus an ater homo.

94

'Mentula moechatur.' moechatur mentula certe.
hoc est, quod dicunt: 'ipsa olera olla legit.'

95

Zmyrna mei Cinnae nonam post denique messem
quam coepta est nonamque edita post hiemem,
milia cum interea quingenta Hortensius uno

.....

5

Zmyrna cavas Satrachi penitus mittetur ad undas,
Zmyrnam cana diu saecula pervoluent.
at Volusi annales Paduam morientur ad ipsam
et laxas scombris saepe dabunt tunicas.
parva mei mihi sint cordi monumenta sodalis:
10 at populus tumido gaudeat Antimacho.

96

Si quicquam mutis gratum acceptumve sepulcris
accidere a nostro, Calve, dolore potest,